


2019-imi atualinnginnermi ulluunerani neqeroorutit, kommunini kisitsisit pingaarnerit

2019-imi atualinnginnermi ulluunerani neqeroorutit

2019 qaammat januaarimi pisortat atualinnginnermi ulluunerani neqeroorutaanni meeqqat 3.659-it allatsissimapput, taakkunangna meeqqat 0-inik ukiullit 172-it, 1-2-nik ukiullit 1.424-t, 3-5-inik ukiullit 2.042-t aammalu meeqqat arfinilinnik amerlanernilluunniit ukiullit 21-t. Taamaasilluni meeqqat 0-5-inik ukiullit tamakkerlutik 75,8 procentii atualinnginnermi ulluunerani neqeroorutini allatsissimapput. Amerlassutsit kisinneqarnerisa takutippaat meeqqat atualinnginnermi ulluunerani neqeroorutini allatsissimasut agguaqatigiissinnerat, innuttaasuni meeqqat tamakkerlutik amerlassusaannut naleqqiullugu.

Titartagaq 1. Meeqqat atualinnginnermi ulluunerani neqeroorutini allatsissimasut amerlassusaat, kommunit aammalu immikkoortortaqarfiit malillugit



Najoqputaq: <http://bank.stat.gl/OFNUKN1>

Amerlassutsimut kisitsinermi meeqqat atualinnginnermi ulluunerani neqeroorutini allatsissimasut 0-5-inik ukiullit aammalu 6-inik ukiullit ataasiakkaat tamakkerlugu ilaatinneqarput. Innuttaasuni meeqqat 0-5-inik ukiulinnut naatsorsorneqarput, 6-inik ukiullit ataasiakkaat allatsissimasut ilanngullugu.


Pisortat atualinnginnermi ulluunerani neqeroorutaanni sulisut

2019-imi pisortat atualinnginnermi ulluunerani neqeroorutaanni piffissaq tamakkerlugu sulisutut atorfillit 1.140-usimapput. Atualinnginnermi ulluunerani neqeroorutini sulisut tamakkerlutik arnanik

sulisoqarajunnerupput, 2019-imilu arnat piffissaq tamakkerlugu sulisut 1.106-iusimapput angutillu piffissaq tamakkerlugu sulisut 34-usimallutik.

Paaqqinnittarfinni sulisut eqimattanut tallimanut agguassimapput: Pisortanut, perorsaasunut, perorsaanermi ilinniarsimasunut, perorsaasunut ikiortinut aammalu igaffimmi eqqiaanermilu sulisunut. Pisortat aammalu igaffimmi eqqiaanermilu sulisut tapersersuisutut/ikorfartuisutut sulisunik taaneqarsinnaasut sulisut tamakkerlutik 21,7 procentiinik annertussuseqarput. Perorsaasut, perorsaasutut ilinniarsimasut aammalu perorsaasunut ikiortit tamarmik meeqqanut paaqqinnittutut sulisunik (meeqquerisutut) naatsorsorneqarput. 2019-imni meeqquerisut 17,3 procentii perorsaasuupput, 30,4 procentii perorsaanermik ilinniarsimasuullutik aammalu 52,4 procentii perorsaasunut ikiortiullutik.

Titartagaq 2. 2019-imni meeqqanut paaqqinninnermik sulisut, amerlassusaat aammalu procentinngorlugu agguaqatigiissinnerat




Najoqtaaq: <http://bank.stat.gl/OFNUKN1>

Meeqqat meeqqerisumut ataatsimut amerlassusaat

Meeqqat ukiuni agguataarsimasuni assiginngitsuni sanilliunniarlugit aammalu meeqqat meeqqamut paaqqinnittumut ataatsimut kisinniarlugit meeqqat amerlassusiisa uuttuutaannik kisitsisoqarpoq. Periaatsip immikkoortuani taaguut annertunerusumik nassuiarneqarpoq. Tunngaviusorli tassaavoq meeraaqquerivimmiiittoq ataaseq 1,67-inik meeqqat amerlassusaannut uuttuuteqartoq, meeqqerivimmiorlu ataaseq aamma meeqqat amerlassusaannut 1-imik uuttuuteqarluni. 2019-imni nuna tamakkerlugu meeqqat amerlassusiisa uuttuutaat meeqqerisumut ataatsimut agguaqatigiissillugu 5,3-usimavoq. Meeqqat meeqqerisumut ataatsimut amerlassusaannut meeqqat sulisullu akornanni pissutsit apeqqutaasarput, assersuutigalugu amerlassusaannut kisitsit annikippat meeqqat ikinnerunerannik imaluunniit sulisut amerlanerunerannik peqquteqarsinnaavoq.

**Titartagaq 3. Atualinnginnermi ullaunerani neqeroorutini
meeqquerisumut ataatsimut meeqqat amerlassusiisa uuttuutaat,
kommunit aammalu immikkoortortaqarfiiit malillugit**



Najoqputaq: <http://bank.stat.gl/OFNUKN1>

Meeqqanut sulisunullu naatsorsuutit tamakkerlugit

Tabel 1.-imi meeqqat amerlassusaat ukiuinut tulleriaarlugit aammalu piffissaq tamakkerlugu sulisut suliaqarfinnut kommuninullu immikkoortiterlugit naatsorsorneqarput. Taamatuttaaq kisitsaataasivimmim immikkoortortaqarfik, neqeroorutiniittut aammalu najugaq malillugit naatsorsuutit takuneqarsinnaapput.

Tabel 1. 2019-imi meeqqat ukiuinut tulleriaarneri aammalu sulisut, kommunit malillugit

	Katillugit	Kommune Kujalleq	Kommuneqarfik Sermersooq	Qeqqata Kommunia	Kommune Qeqertalik	Avannaata Kommunia
Meeqqat ullaunerani neqeroorutiniittut tamakkerlutik	3.659	398	1.463	671	475	652
Meeqqat 0 ukiullit	172	20	61	33	20	38
Meeqqat 1-2-nik ukiullit	1.424	146	554	280	183	261
Meeqqat 3-5-inik ukiullit	2.042	231	843	355	270	343
Meeqqat 6-inik ukiullit qummulu	21	1	5	3	2	10
Pisortat	72	9	23	16	9	15
Perorsaasut	154	15	71	24	15	28
Perorsaasutut ilinniarsimasut	271	48	85	53	37	47
Perorsaasunut ikiortit	467	35	195	92	58	86
Igaffimmi eqqiaanermilu sulisut	175	31	64	20	26	34
Piffissaq tamakkerlugu sulisut	1.140	139	438	205	146	211
Meeqqat amerlassusaasa uuttuutaat	4.723	509	1.873	880	610	851
Perorsaasut meeqqanut paaqqinninnermi (pct.)	17,3	15,4	20,3	14,1	13,7	17,6
Meeqqat meeqquerisumut ataatsimut amerlassusaat	5,3	5,1	5,3	5,2	5,5	5,3
Meeqqat 0-5-inut allatsissimasut amerlassusaat (pct.)	75,8	75,4	75,6	84,0	78,8	67,6
Ulluunerani neqeroorutiniittut	167	16	56	32	24	39

Najoqputaq: <http://bank.stat.gl/OFNUKN1>

Periaaseq

Pisortat atualinnginnermi ulluunerani neqeroorutaat (ulluunerani neqeroorutit) uani naatsorsorneqartut tassaapput meeraaqqueriviit, meeqqueriviit, tamakkiisumik paaqqinnittarfiit, ullukkut paaqqinnittarfiit aammalu ullormut paaqqinnittarfiit sullissiviusut. Paasissutissat pisortat atuareernermermi paaqqinnittarfiinut, imaluunniit atuarfiup avataani ullukkut meeqqanut paaqqinnittarfinnut allanut tunngasut paasissutissani ilaatinneqanngillat. Naatsorsuutinitaaq ilaatinneqanngillat atualinnginnermi inissiisaarfiit namminersortut imaluunniit ullukkut paaqqinnittarfiit namminerisamik ingerlatat kommuninit aaqqissuussaanngitsut. Naatsorsuutini piffissaq kisitsiviusoq qaammat januaarimi pivoq.

Ulluunerani neqeroorutit kisitsaisai pingarnerit najoqquitat taaneqartut tunuliaqutaralugit naatsorsorneqarput:

- Pisortat ulluunerani neqeroorutaanni kommunit allaffissornikkut ingerlatsiviannit Winformatik-imit meeqqat allatsissimasut nalunaarsuutaat
- Naatsorsueqqissaartarfiup pisortat suliffeqarfiutaanni atorfiliinnut nalunaarsuiffianit
- Naatsorsueqqissaartarfiup inunnut nalunaarsuiffianit
- Kommunit igaffimmi eqqiaanermilu sulisut pillugit paasissutissaataannit

Meeqqat

Meeqqat ulluunerani neqeroorutini pineqartut ukiunut tulleriaanut 0-2-nik ukiulinnut, 3-5-inut ukiulinnut aammalu 6-inik ukiullit utoqqaanernullu agguanneqarput. Meeraaqquerivinnit meeqqerivinnut nuunneq nalinginnaasumik pisarpoq meeqqat pingasunit ukioqaleraangata. Taamaattumik meeqqat 0-2-nik ukiullit meeraaqquerivinniittutut naatsorsorneqarput meeqqallu pingasunik ukioqalereersimasut meeqqerivinniittutut naatsorsorneqarlutik. Meeqqat amerlanerit tamakkiisumik meeraaqquerivimmuniunut meeqqerivimmuniunullu paaqqinnittarfinniikkajunmerusarput, meeqqalli inini immikkoortuniissinnaasarlutik. Paaqqinnittarfinni assigiinngitsuni sulisunik atuinerit sanilliunniarlugit meeqqat amerlassusiisa uuttuutaannut taajuut pilersinneqarpoq.

Meeqqat amerlassusiisa uuttuutaat meeraaqquerivinni sulisut kisinneqarneri nalinginnaasumik meeqqerivinni sulisut kisinneqarnerinit annertunerunerata matussuserpaa. Meeqqat amerlassusiisa uuttuutaannut kisitsinermi atualinnginnermi ukiulinnut perorsaanikkut ineriartuutaasussamik meeqqanut neqeroorummut inatsisiliussaq tunngavigneqarpoq. Uanilu aalajangiunneqarpoq meeraaqquerivinni sulisut kisinneqarnerat minnerpaaq meeqqamut ataatsimut 1,67-inik amerlatigisunik meeqqerivinni sulisut kisinneqarnerinit annertunerussasoq.

Paaqqinnittarfik pingasunik meeraaqquerivimmiuutilik aammalu marlunnik meeqqerivimmiuutilik tassa: Meeraaqquerivimmiuut pingasut*1, 67 meeraaqquerivimmiuut meeqqat amerlassusiinut/uuttuutaannut ataatsimut +

meeqgerivimmiut marluk *1 meeqgerivimmioq meeqqat amerlassusiinut/uuttuutaannut ataatsimut = meeqqat amerlassusaat/uuttuutaat arfineq marluk

Sulisut

Ulluunerani neqeroorutini sulisut ukiumoortumik piffissaq tamakkerlugu sulisutut naatsorsugaapput (piffissaq tamakkerlugu atorfilittut). Sulisullu eqimattanut tallimanut agguanneqarput; pisortanut, perorsaasunut, perorsaanermi ilinniarsimasunut, perorsaasunut ikiortinut aammalu igaffimmi eqqiaanermilu sulisunut. Perorsaanermik ilinniarsimasuni pineqarput ilinniakkat sivikinnerusut perorsaanernik imaqartut soorlu meeqqanut ikiortit imaluunniit inunnut isumaginninnermi aammalu peqqissaanermi ikiortit.

Ulluunerani neqeroorutit kisitsisaasa pingaarerit kisinneqarnerini naatsorsuutigineqarpoq perorsaasut, perorsaanermik ilinniarsimasut aammalu perorsaasunut ikiortit suliaat pingaerneq tassaasoq meeqqanik paaqqinninneq. Pineqartullu sulisut eqimattakkaarnerini meeqqanik paaqqinnittutut sulisunik naatsorsuutini taaneqarput. Pisortat aammalu igaffimmi eqqiaanermilu sulisut meeqqanik paaqqutarinninnerungitsumik suliaqartutut naatsorsuutigineqarput. Ulluunerani neqeroorutini sulisut naatsorsorneqarnerini meeqqanut atualinnginnermi ukiulinnut perorsaanermi ineriartuutaasussamik neqeroorutit inatsit malinnejqarpoq.

Sulisunik eqimattakkaarineq ilinniarsimanermut atorfiallu nassuiarneqarneranut pisortat akissarsialeriviannit paassisutissat tunuliaqtaralugit pivoq. Ilinniarsimannngitsut atorfinnut eqimattakuutaarlugit agguanniarlugit sulisunut meeqqanut paaqqinninnermik suliaqanngitsunut, soorlu igaffimiunut, eqqiasunut allanullu ilassutitut paassisutissanik kommuninut aallernissaq pisariaqarsimavoq.

Tabel 1. Atualinnginnermi ulluunerani neqeroorutini sulisut eqimattakkaarneri

Tapersersuisutut/ikorfartuisutut sulisut	Meeqqanik paaqqinninnermik sulisut
Pisortat	Perorsaasut
Meeqgerivinni pisortat	Perorsaasutut piginnaasallit
Meeraaqgerivinni pisortat	Pædagogassistentit
Igaffimmi sulisut il.il.	Socialassistentit
Eqqiaanermi sulisut	Isumaginninnermi ikiortit
Allaffimmi sulisut	Peqqinnissamut ikiortit
Ilinniartut	Ullukkut paaqqinnittartut
	Perorsaanermi ikiortit
	Sulisut ilinniarsimannngitsut

Kisitsisit pingaarerit

Perorsaasut meeqqanut paaqqinninnermi sulisutut agguaqatigiissinnerat

Sulisut agguaqatigiissinnerini tamakkiisumik meeqqanik paaqqinninnermik suliaqartunit naleqqiullugit perorsaanermik ilinniarsimasutut taaneqarput.

Meeqqat amerlassusiisa uuttuutaat meeqqanut paaqqinninnermik sulisunut naleqqiullugit

Meeqqat amerlassusiisa uuttuutaattut meeqqanut paaqqinninnermik sulisunut agguallugit taaneqarput. Kisitsineq ulluunerani neqeroorutit assigiinngitsut akornanni sulisut meeqqallu amerlassusiisa katitigaanerisa sanilliunneqarsinnaanissa pillugu suliarineqarpoq.

Meeqqat 0-5-inut ukiullit ulluunerani neqeroorutini allatsissimasut amerlassusaat

Pisortat ulluunerani neqeroorutaanni meeqqat allatsissimasut ukiup naalerterani innuttaasuni meeqqanut 0-5-inut ukiulinnut naleqqiullugit agguaqatigiissinnerannik taaneqarpoq. Kisitsinermi meeqqat ukiui apeqquaatinagat atualinnginnermi ulluunerani neqeroorutini allatsissimasut tamakkerlugit ilaatinneqarput. Kisitsinermilu meeqqat atualinnginnermi ulluunerani neqeroorutini qaammat januaarimi allatsissimasut aammalu meeqqat arfinilinnik amerlanernilluunniit ukiullit ilaatinneqarput.

Misissuineq aammalu kukkunernut pissutaasut

Atualinnginnermi ulluunerani neqeroorutini meeqqat sulisullu agguanneri kontomit naatsorsuuseriviusumit kommunit naatsorsuuserivianningaanneersumit atit aammalu paaqqinniffimmim imaluunniit ulluunerani neqeroorutini atit malinneqarput.

Meeqqat inuttut normui eqqortuunersut misissorneqarput, aammalu meeqqat allatsissimasut marloriaammik allaqqanersut misissorneqarput. Marloriaammik allatsissimasut ilaatinneqanngillat.

Sumiiffiup imaluunniit paaqqinnittarfiup ulluuneraniluunniit neqeroorutip atia eqqortuunersoq misissorneqarpoq.

Paaqqinnittarfiit sulisoqarnikkut nalunaarsuinikullu tamakkiisumik paaqqinnittarfittut ingerlasut amerlapput, meeqqat meraaqquerivimmuitut imaluunniit meequerivimmuitut allatsissimagaluartut. Uanilu naatsorsuinermi paaqqinnittarfiit taamaattut tamakkiisumik paaqqinnittarfittut ataatsimoortinnejarput.

Meeqqat ulluunerani neqeroorutini allatsissimasut amerlassusaannut kisitsinermi meeqqat inuit allattorsimaffianni paaqqinnittarfimmi allatsissimanera najugarisami pineqartumiinnersoq misissorneqarpoq. Annertunngitsumik inunnik nalunaarsuifimmim sumiiffimmut aammalu atualinnginnermi ulluunerani neqeroorutit sumiiffianut paasissutissani kukkunermik nikingassuteqartoqarpoq. Kukkusumik nikingassut maannamut missiliorlugu 1-1,5 procenti annertuumik malunnaateqannngitsumik isigineqarpoq. Nikingasoqartillugu ulluunerani neqeroorut pineqartoq pingarnertut paasissutissiuuvoq.

Atualinnginnermi paaqqinnittarfiit namminerisamik pigineqartut naatsorsuutini ilaatinneqanngillat. Naatsorsueqqissaartarfialli atualinnginnermi paaqqinnittarfiit pingasut namminerisamik pigineqarlutik ingerlanneqartut 2014-imi, 2015-imi, 2016-imi, 2017-imi, 2018-imilu, 2019-imilu Nuummi inissimasut ilisimaarai. Taakku tamakkerlutik meeqlanik 60-80-inik allatsissimasuuteqarput. Nuna tamakkerlugu paaqqinniffiit namminerisamik pigineqartut meerartai naatsorsuutini ilaagluarpata ulluunerani neqeroorutit amerlassusaannik kisitsineq missiliorlugu 1 procentpointinik annertunerussagaluarpoq.

Ukiut eqimattakkaarnerini 0-5-inik ukiullit amerlassusaannut kisitsinermi meeqqat 0-inik ukiullit suli meeraaqquerivimmianissamut ukiunik angusaqarsimanngitsut kisitsinermi ilaatinneqarput. Ulluunerani neqeroorutit ataasiakaat arfinilinnik amerlanernilluunniit ukiulinnik amerlasuunik allassimasuuteqarput. Tassungalu peqqutaasinnaavoq atualernissap kinguartinneqarsimanera imaluunniit paaqqinnittarfiit (utaqqiisaagallartumik) atualinnginnermi ulluunerani neqeroorummit allaanerusumik, assersuutigalugu atuareerneremi paaqqinnittarfittut ingerlataqarneranik peqquteqarsinnaalluni.

Atualinnginnermi ulluunerani neqeroorutini sulisut nalunaarsorneqarnerat pisortani atorfillit nalunaarsuiffiannit tunngaveqarpoq, naatsorsuutillu pineqartut tatiginassusaat aamma pisortani atorfillit nalunaarsuiffiata tatiginassusaanut atassuseqarpoq.

Kommuneqarfiit akornanni nerisat tungaatigut sulisullu allat saniatigut aaqqissuussinerit assigiinngissuteqarsinnaapput. Vikaarit suliffeqarfimmut ataatsimulluunniit siunertaqartumik nalunaagaasinnaasarput. Suliffeqarfiit nerisat tungaatigut aaqqissuussinerat igaffinni ikiortinit ingerlanneqarsinnaasarpoq nerisassiorfitsigulluunniit allatigut isumagineqartarluni.

Ilisarnaatinut nassuaatit:

- ... Paasissutissat pigineqanngillat
- .. Paasissutissat nalunaarsussallugit qularnarpallaarput mianersuttariaqarpulluunniit
- . Suliap pissusia tunngavigalugu kisitsisit saqqummersinneqarsinnaangillat
- 0 Uuttuutigineqartup affaanit minneruvoq
- Nul
- * Kisitsisaagallartoq kisitsilluunniit eqqoriarneqartoq

Saaffigineqarsinnaavoq

Gorm N. Pedersen
E-mail: gnpe@stat.gl

Pisortat aningaasaqarnerat

Naatsorsueqqissaartarfik
Postboks 1025 · 3900 Nuuk
Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

